

UNTUK SIARAN SERTA- MERTA



SIARAN MEDIA ***MEDIA RELEASE***

**KEMENTERIAN KEWANGAN MALAYSIA
MINISTRY OF FINANCE MALAYSIA**

KENYATAAN OLEH YB DATO' SERI AHMAD HUSNI HANADZLAH

MENTERI KEWANGAN II

MENGENAI STATUS PROGRAM PEMBERIAN BANTUAN RAKYAT

1MALAYSIA (BR1M)

Pembayaran Bantuan Rakyat 1Malaysia (BR1M) akan bermula pada 15 Januari 2012 dan akan diberikan dalam bentuk baucar tunai. Majlis-majlis penyerahan baucar BR1M kepada pemohon yang berjaya akan diadakan secara berperingkat di seluruh Negara.

Tempoh penyerahan baucar akan berjalan selama dua bulan, iaitu sehingga 15 Mac 2012. Ini bagi memastikan pembayaran dapat dilaksanakan secara tersusun dan lancar agar tiada keciciran kepada pemohon yang layak menerima bantuan.

Semua pemohon BR1M akan dimaklumkan mengenai keputusan permohonan melalui pos. Dalam tempoh dua bulan tersebut, setiap pemohon yang berjaya akan menerima surat pemakluman masing-masing secara berperingkat, dengan disertakan tarikh dan tempat majlis penyerahan baucar diadakan.

Pemohon juga boleh menyemak status permohonan mereka dengan menelefon talian hotline 1-800-222-500/ 1-300-88-3010 mulai 16 Januari 2012. Talian ini beroperasi dari jam 9 pagi hingga 5 petang setiap hari bekerja.

UNTUK SIARAN SERTA- MERTA

Baucar-baucar boleh ditunaikan di mana-mana cawangan Bank Simpanan Nasional, CIMB dan Maybank diseluruh negara. Tempoh sah laku baucar adalah sehingga 15 April 2012.

Bagi memudahkan urusan orang ramai di kawasan luar bandar menunaikan baucar BR1M, Kerajaan telah menyediakan kaunter-kaunter bergerak Bank Simpanan Nasional, CIMB dan Maybank pada majlis-majlis penyerahan tersebut.

Sehingga 10 Januari 2012, sebanyak 4,123,713 borang BR1M telah diterima dari seluruh Negara. Daripada jumlah itu, 3,850,668 borang telah dimasukkan ke dalam sistem data bagi tujuan pengesahan. Sehingga 10 Januari 2012, sebanyak 3,102,054 permohonan yang telah diluluskan. Baki permohonan sedang melalui proses pengesahan dan dijangka selesai pada 13 Januari 2012.

Bagi pemohon yang lewat menyerahkan borang permohonan, Kerajaan telah membuat keputusan untuk melanjutkan tempoh penerimaan borang BR1M selama satu bulan, iaitu sehingga 10 Febuari 2012. Orang ramai masih boleh menghantar borang-borang permohonan BR1M di pejabat cawangan Lembaga Hasil Dalam Negeri (LHDNM) dan agensi-agensi Kerajaan yang berkaitan, sehingga tarikh tersebut.

Bagi pemohon yang gagal, rayuan semula boleh dibuat. Kementerian Kewangan telah menyediakan format khas untuk rayuan BR1M yang boleh di dapati di pejabat cawangan LHDN dan agensi-agensi Kerajaan yang berkaitan, serta dimuat turun daripada laman web Kementerian Kewangan (www.treasury.gov.my).

Kementerian Kewangan Malaysia

12 Januari 2012



SIARAN MEDIA

MEDIA RELEASE

KEMENTERIAN KEWANGAN MALAYSIA

MINISTRY OF FINANCE MALAYSIA

**KENYATAAN AKHBAR YB MENTERI KEWANGAN II,
DATO' SERI AHMAD HUSNI HANADZLAH MENGENAI BR1M**

1. Kementerian Kewangan ingin menjelaskan bahawa penerima bantuan di bawah Jabatan Kebajikan Masyarakat, layak menerima Bantuan Rakyat 1Malaysia (BR1M). Mereka perlu memohon BR1M dengan mengisi borang yang disediakan.
2. Untuk makluman, mereka yang berada di dalam senarai e-Kasih adalah secara automatik layak untuk menerima Bantuan Rakyat 1Malaysia (BR1M).
3. YB Menteri Kewangan II, Dato' Seri Ahmad Husni Hanadzlah amat kesal dengan kesilapan fakta dan laporan berita mengenai Bantuan Rakyat 1Malaysia (BR1M) yang disiarkan oleh akhbar Sin Chew Daily hari ini.
4. Sehubungan itu, akhbar harian tersebut telah diminta membuat pembetulan dan menyiarkan laporan yang tepat untuk mengelakkan rakyat keliru mengenai proses sebenar permohonan dan pendaftaran Bantuan Tunai 1Malaysia (BR1M).

Kementerian Kewangan Malaysia

12 Disember 2011



SIARAN MEDIA

MEDIA RELEASE

KEMENTERIAN KEWANGAN MALAYSIA

MINISTRY OF FINANCE MALAYSIA

MAKLUMAT TAMBAHAN: BANTUAN RAKYAT 1MALAYSIA (BR1M)

Permohonan Bantuan Rakyat 1Malaysia (BR1M) akan bermula pada hari Sabtu, 10 Disember 2011 sehingga 10 Januari 2012

Penjelasan mengenai pendapatan kasar isi rumah

- Pendapatan kasar isi rumah merujuk kepada pendapatan suami, isteri dan tanggungan yang masih bujang dan bekerja yang tinggal serumah

Dokumen-dokumen yang perlu dibawa bersama

- Ketua isi rumah:

- ✓ Borang permohonan BR1M
- ✓ Salinan kad pengenalan pemohon
- ✓ Slip gaji terkini (jika berkenaan)

Tanggungan:

- ✓ Salinan kad pengenalan tanggungan (sama ada suami/ isteri/ anak)
- Kesemua dokumen di atas, perlu dikepulkan bersama borang permohonan bagi mempercepatkan proses dan mengelakkan sebarang kesulitan

- Borang permohonan Bantuan Rakyat 1Malaysia boleh didapati **secara percuma** di semua Pejabat Cawangan dan Pusat Khidmat LHDN, Jabatan Penerangan, Jabatan Pembangunan Persekutuan, agensi-agensi Kerajaan serta Lobi Utama Kementerian Kewangan, Putrajaya dan sekolah-sekolah terpilih mulai 10 Disember 2011, bermula jam 9.00 pagi hingga 5.00 petang

Pertanyaan lanjut

- Untuk maklumat lanjut sila layari www.treasury.gov.my atau hubungi talian **1-800-222-500** (Hari bekerja jam 9 pagi sehingga 5 petang)
- Talian juga akan beroperasi pada 10 Disember 2011 (Sabtu) dan 11 Disember 2011 (Ahad).

Kementerian Kewangan Malaysia

9 Disember 2011



SIARAN MEDIA

MEDIA RELEASE

KEMENTERIAN KEWANGAN MALAYSIA

MINISTRY OF FINANCE MALAYSIA

KENYATAAN AKHBAR YB MENTERI KEWANGAN II

DATO' SERI AHMAD HUSNI HANADZLAH

**PELAKSANAAN PEMBERIAN BANTUAN TUNAI RM500 BAGI MERINGANKAN
BEBAN KOS HIDUP RAKYAT**

1. Pada pembentangan Bajet 2012 baru-baru ini, Kerajaan telah mengumumkan untuk memberi bantuan tunai, secara one-off, sebanyak RM500 kepada isi rumah yang berpendapatan bulanan RM3,000 dan ke bawah. Bantuan ini adalah tanda keprihatinan Kerajaan dalam usaha untuk membantu meringankan kenaikan kos sara hidup rakyat.
2. Isi rumah yang layak memohon merujuk kepada seorang lelaki atau wanita yang menjadi ketua kepada ahli yang tinggal serumah atau ketua keluarga. Ini merangkumi individu:
 - Berkahwin termasuk anak yang berkahwin dan tinggal bersama ibu bapa;
 - Ibu atau bapa tunggal yang mempunyai tanggungan;
 - Individu (bujang, duda, ibu tunggal) bujang yang mempunyai tanggungan; dan
 - Warga emas sebatang kara

3. Ketua isi rumah yang berkerja sendiri juga adalah layak untuk memohon.
4. **Kerajaan memutuskan, pendaftaran permohonan Bantuan Tunai RM500 akan dibuat mulai hari Sabtu, 10 Disember 2011 untuk tempoh satu bulan. Borang-borang pendaftaran boleh didapati secara percuma mulai tarikh tersebut,** di Jabatan Pembangunan Persekutuan, Pejabat Cawangan dan Pusat Khidmat Lembaga Hasil Dalam Negeri Malaysia (LHDNM), serta agensi-agensi Kerajaan.
5. Borang yang lengkap di isi berserta salinan Kad Pengenalan hendaklah diserahkan untuk proses pendaftaran di Jabatan Pembangunan Persekutuan/Negeri, sekolah-sekolah terpilih serta pejabat-pejabat cawangan LHDNM.
6. Pembayaran Bantuan RM500 akan dibuat kepada ketua isi rumah yang layak mulai pertengahan Januari 2012.
7. Bantuan ini dijangka dapat memberi manfaat kepada seramai 5.2 juta isi rumah atau 79.5 peratus daripada keseluruhan isi rumah di negara ini. Pemberian ini melibatkan anggaran peruntukan sebanyak RM2.6 bilion.

Kementerian Kewangan Malaysia

30 November 2011